



Gysbertus ex Metensi ditione honestis parenti-
bus natus est anno 1530. Hic cum felici inge-
nio esset præditus, in oppido Mauri monasterij bo-
nis literis operam dedit, atque artium fundamenta
egregiè iecit. Postea sese Argentinam cõtulit, & in
geniũ omni genere disciplinarum excoluit. Cum
hoc modo in literis pergeret, atq; huius seculi uani-
tatem consideraret, anno 1548 Mauri monasterium
accessit, & ibidem Benedictinorum ordinẽ susce-
pit. In eo loco cum per aliquot annos modestè ui-
xisset, & libris inuigilaret, ab eius loci abbate Præ-
positus S. Quirini in finibus Lotharingicis eligit̃.
Interea abbas Altorffensis obiit, atq; Gysbertus an-

no 1554 præter expectationem eius monasterij abbas constitutus fuit. Cum in
eo per biennium uixisset, atq; uicini proceres (inter quos & ipse erat) Offen-
burgi conuenissent, de nouo abbate Gengenbacensi deliberaturi, Gysbertus
omnium uotis, cum nihil tale cogitaret, 46 abbas electus est anno 1556 licet ha-
cenus nulli extra nobilitatẽ prognati ad eam dignitatẽ peruenire potuissent,
cum monasterium illud Imperiale censeatur.